

Srebrenik - Rasvijetljena pljačka nad benzinskom pumpom

27.01.2012 10:27



Službenici policije PU Gradačac - PS Srebrenik su, u saradnji sa PS Gračanica, operativnim radom na terenu rasvijetlili krivično djelo "razbojništvo", učinjeno od strane NN lica, dana 25.01.2012.godine oko 21,30 sati, nad radnikom benzinske pumpe "Jatina oil" u mjestu Sladna, općina Srebrenik, uz upotrebu fizičke snage i prijetnju vatrenim oružjem.

Naime, prikupljena operativna saznanja policije su ukazivala da se u vezu s navedenim krivičnim djelom mogu dovesti sljedeća lica: A.I., rođen 1984. godine iz Gračanice i D.M., rođen 1989.godine iz Gračanice, te mldb. M.M., rođen 1994.godine iz Gračanice, kao i da su se isti kretali putničkom motornim vozilom "Opel" na području općine Gračanica.

Službenici OKP PU Gradačac u Srebreniku su izvršili pretres putničkog motornog vozila marke "Opel" i objekata koje koriste navedena lica, dok su A.I., D.M. i M.M. privedeni radi kriminalističke obrade, u toku koje su rasvijetljena dva krivična djela "prevare" od 25.01.2012.godine (nad dvije benzinske pumpe "Sax" u Gračanici i naselju Luke, općina Gračanica), kao i jedno krivično djelo "teške krađe" nad diskotekom u mjestu Mionica, općina Gradačac učinjeno 21/22.12.2011.godine.

Dana, 26.01.2012.godine, Kantonalnom tužilaštvu Tuzlanskog kantona dostavljen je izvještaj protiv navedenih lica, zbog postojanja osnova sumnje da su D.M. i A.I. počinili krivično djelo „Razbojništvo“ iz člana 289. stav 2. u vezi sa stavom 1. istoga člana i krivično djelo "Nedozvoljeno držanje oružja ili eksplozivnih materija, a mldb. M.M. krivično djelo „razbojništvo“ iz člana 289. stav 2. u vezi sa stavom 1. istoga člana, a u vezi sa članom 31. Krivičnog zakona Federacije Bosne i Hercegovine.

Istog dana, navedena lica su predata službenicima sudske policije, po nalogu kantolanog tužioca na dalje postupanje.

Preuzeto sa web stranice **Ministarstva unutrašnjih poslova Tuzlanskog kantona** - <http://mup.tk.ba>